

中環在線  
Central

# 預言日本地震核災 運程書被狂搜刮

# 李丞責

# 忽然走紅中環

中環友最近嘅熱門話題，離唔開日本大地震同核危機，但家陣嘅中環最紅嘅人唔係菅直人，而係丞丞大師李丞責！

上個禮拜，有個「賓架」朋友 forward 咗一封電郵畀華華，話日本大地震之後，有人心血來潮揭返李丞責舊年推出一書兩冊嘅《2011 兔氣揚眉》同《兔年行運秘笈》睇，發現丞丞大師嘅《2011 兔氣揚眉》裏面準確預言日本今年嘅危機。

## 李居明都有講日本地震

雖然之前玄學家李居明嘅《兔年運程》都有句預言，話日本兔年有 8 級大地震，但李丞責就連地震導致核危機都預測埋！

有冇咁準？有憑有據㗎，書入面有個 chapter 叫「2011 年世界大預言」，當中提到「大爆炸」，話今年大約年中左右，全世界要面對一個重大嘅衝擊，「它活像一個巨型大炸彈在爆炸，入骨入肉的切膚之痛，將展露在世人的眼前。」

雖然時間上有啲偏差，未到年中就出事，但對災難嘅預測就好準，「一股神秘的病毒或另類細菌，將會在東半球出現，而且情況陷於失控。它存在於任何一個角落，人們只感受得到，但肉眼是看不見的。」如果舊年睇呢本運程書，可能唔知講乜，但家陣就好理解，令情況陷於失控、肉眼睇唔到嘅原來係核輻射。

最 impossible 嘅係，本書直指出事嘅係日本。當講到各地區今年運程時，開首就話，「今年世界有一個麻煩特點，就是某一個曾經人口熙來攘往的地方，將會遇上突發性的麻煩，在短時間內，人口大量過險或躲藏起來。」睇提到日本時，話「整體而言，日本的運程是勉勵強強的好，但要小心地底下、海水中，或因地震而洩漏出黑黑黃黃的氣體或液體，所以要特別留意藏在地下的設施是否安全。」

據聞李丞責呢本運程書嘅中環已經缺貨，中環友仲電郵呼籲，如果見到邊度有得賣，唔該通知聲。



■早啲舊年，李丞責喺佢《2011 兔氣揚眉》書中預言，日本今年大地震同核災難。

原子彈襲擊廣島和長崎的時候，就曾經發生過這種現象。

LiWaWa@AppleDaily.com